



Schweizerische Berufsbildungsämter-Konferenz
Conférence suisse des offices de la formation professionnelle
Conferenza svizzera degli uffici della formazione professionale
Eine Fachkonferenz der EDK | Une conférence spécialisée de la CDIP |
Una conferenza specializzata della CDPE



SCHWEIZERISCHER ARBEITGEBERVERBAND
UNION PATRONALE SUISSE
UNIONE SVIZZERA DEGLI IMPRENDITORI



Schweizerischer Gewerkschaftsbund
Union syndicale suisse
Unione sindacale svizzera



Schweizerische Eidgenossenschaft
Confédération suisse
Confederazione Svizzera
Confederaziun svizra

Eidgenössisches Departement für
Wirtschaft, Bildung und Forschung WBF
Staatssekretariat für Bildung,
Forschung und Innovation SBFJ



Covid-19/2 – Infurmaziuns dals 19 da mars 2020

Procedura da qualificaziun en la furmaziun professiunala

Va a

- chantuns (uffizis per la furmaziun professiunala)
- scolas professiunalas e lavuratori d'emprendissadi (via chantuns)
- manaschis d'emprendissadi (via chantuns)
- centers da curs intermanaschials (Ci) (via chantuns)
- purtaders da la furmaziun professiunala da basa e da la furmaziun professiunala superiura (via SEFRI e federaziuns tetgalas)
- scolas specializadas superiuras (via Conferenza SSS)

Il nov coronavirus ha er effect sin la procedura da qualificaziun da la furmaziun professiunala da basa (examens finals d'emprendissadi). Malgrà la situaziun duain ils emprendists avair la pussaivladad da recaltgar l'attestat federal da qualificaziun (AFQ) u l'attestat federal professiunal (AFP) sco ils onns precedents. Il medem vala per la maturitad professiunala. Las lavurs per elavurar ina procedura coordinada sin nivel naziunal sut las circumstanzas actualas procedan cun tutta forza. Ils 19 da mars 2020 èn ils partenaris da la furmaziun professiunala sa cunvegnids d'ina procedura cuminaivla sin nivel naziunal. Er en la furmaziun professiunala han la protecziun e la sanadad la pli auta prioritad.

La finamira è da dar a tut ils emprendists da la furmaziun professiunala da basa la pussaivladad da concluder ils examens la stad 2020, cumprais ils examens da la maturitad professiunala I e II. Ord raschuns organisatoricas èsi d'evitar surposiziuns en l'onn scolastic 2020/2021.

La qualitad da la procedura da qualificaziun duai esser garantida, oravant tut er cun il sguard sin las schanzas sin il martgà da lavur. Las modalitads e l'organisaziun da las proceduras da qualificaziun ston dentant vegnir adattadas en la situaziun extraordinaria mumentana resguardond ils purtaders responsabels.

Ils partenaris da la furmaziun professiunala (Confederaziun, Chantuns e las organisaziuns dal mund da lavur) èn londervi da tschertgar soluziuns entaifer il pli curt temp pussaivel. Ils 9 da mars è ina gruppa da lavur da partenaris coordinada vegnida instituida. Damai che las branschas èn pertutgadas a maniera differenta da la crisa actuala, partan ils partenaris dal fatg ch'i sto vegnir chattà soluziuns specificas da branscha tar branscha.

Ils partenaris appelleschan als acturs da la furmaziun professiunala da spetgar cun la realisaziun da las proceduras da la qualificaziun da la furmaziun professiunala enfin che recumandaziuns correspudentas èn formuladas.

Ils partenaris vegnan mintgamai ad infurmar ils acturs tant pli svelt davart ils svilups ed integrar els cuntinuadamain en il process da las reflexiuns.

Persunas da contact ed ulteriuras infurmaziuns

- Ils manaschis d'emprendissadi, ils curs ordaifer il manaschi e las solas professionals pon vinavant sa volver a l'Uffizi chantunal per la furmaziun professiunala.
- Per ils purtaders naziunals da la furmaziun professiunala da basa e la furmaziun professiunala superiura è la SEFRI responsabla. Basegns speziels pon er vegnir inoltrads tar las federaziuns tetgalas.
- Ils emprendists sa drizzan a lur manaschis d'emprendissadi, a lur scola u a l'Uffizi chantunal per la furmaziun professiunala.